

ՏԻՐԱՊԵՏՈՂ ԴԱՍԱԿԱՐԳԸ ՀԱՅԱՍՏԱՆՈՒՄ XII—XIII ԴԱՐՆԵՐՈՒՄ

(Նախնական դիտարկումներ)

2. Գ. ՄԱՐԳԱՐՅԱՆ

XII—XIII դարերում Հայաստանի ավատատիրական հասարակությունում տիրապետող դասակարգի սոցիալական կազմի, քաղաքական կառուցվածքի, դավանական ու մշակութային դիմապատկերի ուսումնասիրությունը գիտական մեծ կարևորություն է ներկայացնում: Հետազոտողները այդ ժամանակաշրջանի հայ տիրապետող դասակարգի պատմությունը լուսաբանելիս առաջիմ առանձնակի հետաքրքրություն են ցուցաբերել երկու հարյուրամյակների սահմանագծում ծավալված ազատազրական մարտերի ընթացքի և այդ պայքարին մասնակից նշանավոր տոհմերի գործունեության նկատմամբ: Այսօր ակնհայտ է, որ պատմաբանների բազում սերունդների կուտակած հսկայական նյութը վիտուսյան զարգացման ներկա փուլում խիստ կարիք է զգում ընդհանրացման և տեսականացման:

Այս կատակցությամբ առաջադրված հետազոտական խնդիրները անխուսափելիորեն պարտադրում են պարբերացնել հայ տիրապետող դասակարգի XII—XIII դդ. պատմությունը: Նկատի ունենալով հայկական ավատատիրական տոհմերի կենսագործունեության պատմական պայմանները, կարելի է ուսումնասիրվող հարյուրամյակների սահմաններում առանձնացնել երեք ժամանակաշրջան:

Առաջին՝ XII դարի սկիզբը—80-ական թթ. առաջին կեսը ներառող ժամանակահատվածը հնարավոր է բնութագրել որպես «Մեծ սեյշուկների» սուլթանության փլուզումից հետո Հայաստանում առաջացած մահմեդական քաղաքական կազմավորումների հզորացման և հայկական տարրի քաղաքական դիրքերի սահմանափակման ժամանակաշրջան: Բավական է նշել, որ այդ տասնամյակների ընթացքում են անհետանում հայկական իշխանական տների գրեթե բոլոր մնացորդները Հարավային Հայաստանում, ասպարեզից հեռանում են Լոռեի և Սյունյաղ թաղավորությունները, ծանր փորձությունների են ենթարկվում Արցախի ավատատիրական տոհմերը: Ժամանակաշրջանի ավարտին նշմարվում են նաև ապառա քաղաքական վերածննդի սաղմերը: Վրաց թագավորության մեջ ներգրավված շրջաններում ուժ են կուտակում տեղական հայկական ընտանիքները, որոնք կարևոր դեր են սկսում խաղալ նաև արքունիքում: Մահմեդական ամիրայությունները մեծագույն ջանքեր թափելով են կարողանում ճնշել անեցիկների ազատագրական պայքարը, որը ղեկավարում էր քաղաքային պատրիկությունը («գլխաւորք քաղաքին»): Հայաստանի տարածքի մեծ մասի մահմեդական քաղաքական կազմավորումները թևակոխում են ներքին դժվարությունների և անկայունության փուլ, որը բաղենպաստ նախադրյալներ է ստեղծում հայկական տարածքների ազատագրման համար:

Երկրորդ՝ 1186—1235 թթ. ժամանակաշրջանը լիովին հստակորեն է առանձնանում. այն սկիզբ է առնում 1186 թ. անեցիկների կողմից Մուսաբար ամրոցի գրավումով և ընդհատվում է մոնղոլական գլխավոր արշավանքի անմիջական նախօրյակին, երբ ազատագրվեցին Արաքսից հարավ ընկած Սուրմարին և Կաղզվանը: Կարևոր է ընդգծել, որ հայկական երկրամասերի հտգրավումը արդյունք չէր որևէ բախտորոշ ճակատամարտի: Այն իրականացվում էր շիմնականում հայկական զորաշղկատների ջանքերով, սահմանամերձ ռազմավարական միավորների՝ կողմնակալությունների նախաձեռ-

նությամբ, թեև, անշուշտ, վրաց թագավորների օժանդակությամբ: Հետևաբար և ակնհայտ է այդ կեսդարյա պայքարի ազդեցությունը՝ հայկական տիրապետող դասակարգի կազմում ռազմական ավագանուն բացահայտ գերիշխանություն հաղորդելու առումով:

Երրորդ փուլը սկսվում է մոնղոլների կողմից Հյուսիս-արևելյան Հայաստանի գրավմամբ (1236 թ.) և ավարտվում է Ղազան խանի գահակալության տարիներով (1295—1304 թթ.): Այս ժամանակաշրջանը ներքուստ բավականաչափ հակասական է: Անշուշտ, աչքի են դարձնում արհավիրքներ: Մոնղոլական նվաճման ընթացքում և ապա օտար երկրներում հանուն մոնղոլների մղվող պատերազմներում բնաջնջվում է հայոց զորքի զգալի մասը: Ինչոր իշխանական տները ծանր կախվածության մեջ են ընկնում նվաճողներից, արդեն XIII դարի 60—70-ական թթ. մեծատոհմիկ ավատատերերից շատերը հարկադրված են լինում վաճառահանել հայրենական կալվածքները, խորանում է Հայաստանի տնտեսական ճղնաժամը: Այնուամենայնիվ, մոնղոլական լծի տղջ ծանրությունը չի բացառել տիրապետող դասակարգի գործառությունը Հայաստանում, անհերքելի է հայ ավատատերերի իշխանության ամրապնդումը կախյալ գյուղացիության նկատմամբ, հայ իշխանները և ազատները ռազմաքաղաքական ուժ են ներկայացնում մոնղոլական տիրապետության ողջ պատմաշրջանում: Նշված տասնամյակները միանշանակ չի կարելի գնահատել նաև մոնղոլների ռազմաքաղաքական պատմության տեսանկյունից: Ժամանակաշրջանի հաղթական սկիզբը XIII դարի 80—90-ական թթ. փոխադրվեց ակնբախ պատերազմական անհաջողություններով, ի հայտ եկան վերահաս անխման ախտանշանները: XIII—XIV դդ. սահմանագիծը ճակատադրական պահ էր Իրանի մոնղոլական պետության պատմության մեջ: Ղազան խանի կառավարման կարճատև շրջանում արտաքին ու ներքին դրություն կայունացման փորձերի ձախողումից հետո սկսվեց իլխանության գահավեժ անկումը:

Ընդհանրացնելով կարելի է հավաստել, որ հայ տիրապետող դասակարգի կենսագործունեության արտաքին միջավայրի հայեցակետից որոշակի տիպաբանական ընդհանրություն է դիտվում XII դարի վերջի—XIII դարի սկզբի և այդ հարյուրամյակի եզրափակիչ տարիներին—XIV դարի առաջին տարիներին միջև: Զափազանց նման են արտաքին հանգամանքները. քոչվորական աշխարհակալությունները փլուզվում և անկում են ապրում, հայ էթնոսի ռազմունակ հատվածը դեռ բավականաչափ տոկուն է գեթ կիսաանկախ վիճակում երկիրը պահելու համար: Հայաստանի հյուսիսային հարեւանը՝ Վրաստանը, երկու դեպքում էլ առաջինն է ուշքի գալիս եկվորների հասցրած հարվածից և ի զորու է օգնության ձեռք մեկնելու: Իրականում ամեն ինչ ալ կերպ ընթացավ: XIII—XIV դդ. սահմանագծում հայ տիրապետող դասակարգը շահթահարեց պատենը, շարողացավ իր շահերին ծառայեցնել XIV դարի առաջին կեսում իլխանությունում բորբոքված ներքին արյունահեղ պայքարը: Արդեն XIV դարի կեսերից, դեռևս մինչև Լենկ թեմուրի արշավանքները, հայ ավատատիրական ընտանիքները սրբնթաց անկում էին ապրում: Հետևաբար, անհրաժեշտ է պարզաբանել նաև հայ տիրապետող դասակարգի ներքին զարգացման օրինաչափությունները: Միգուցե հենց խորքային, դժվարընկալելի գործընթացների վերլուծությունը կարող է օգնել XIII դարի վերջի—XIV դարի սկզբի ոչ լիովին բացատրելի երևույթների իմաստավորմանը:

Տիրապետող դասակարգի ներքին զարգացումը լուսաբանելիս ամենակարևոր խնդիրը այն սոցիալական կառուցվածքների հետազոտությունն է, որոնք գործառվել են ավատատերերի զանազան խավերի միջավայրում: Միանգամայն բացորոշ է, որ հիմնարար սոցիալական կառուցվածքները անհամեմատ ավելի բազմակողմանի ազդեցություն ունեցող գործոններ են, քան ամենացնցող քաղաքական անցուդարձերը: Այսպես, անվիճելի է, որ 1236 թ. կործանարար արշավանքը, կտրուկ վատթարացնելով հայ ավատատերերի նյութական վիճակը, նվազեցնելով թվակազմը, նվաճողներից կախ-

վածություն մեջ գցելով ավագանու անխտիր բոլոր շերտերին, երբեք ի զորու չեղավ նորատիպ փոխհարաբերություններ առաջ բերել տիրապետող դասակարգի ներսում: Կարելի է պնդել, որ մինչմոնղոլական ժամանակաշրջանի սոցիալական կառուցվածքների զործառությունը շարունակվում էր: Պարզաբանելով տիրապետող դասակարգի շերտավորումը, գերակա-ստորակալական (սյուզերեն-վասալային) հարաբերությունների իրական պատկերը, հնարավոր կդառնա նաև սոցիալ-քաղաքական պատմությանը վերաբերող հավաստի եզրակացությունների հանգել:

Ավատատիրական աստիճանակարգությունը, անշուշտ, այլևայլ ժամանակաշրջաններում միևնույն պատկերը չի ներկայացրել: Նույնիսկ XII—XIII դդ. տարբեր ժամանակահատվածներում գերակա-ստորակալական հարաբերությունների շղթայի օղակները, ավատատիրական սանդուղքի աստիճանները միաշափ չեն եղել: Առկա նյութերը ցույց են տալիս, որ ներավատատիրական փոխհարաբերությունները արտացոլող «բուրգը» առավել բարդ կառուցվածք է ունեցել XIII դարի սկզբում և 1236 թ. մոնղոլական արշավանքին հաջորդող տասնամյակների ընթացքում: Գերակա-ստորակալական հարաբերությունների շղթան այսպիսի պատկեր էր ներկայացնում. վրաց թագավորներ¹—Ջաքարյաններ²—Ջաքարյանների անմիջական ստորակալներ³—Ջաքարյանների ստորակալների ստորակալներ⁴: Ավատատիրական աստիճանակարգության ավելի ստորին սանդուղքների վերհանումը կապված է զրծավարությունների հետ: Միջին հողատերերի մեծաթիվ շերտը, որի շարքերից էլ համալրվում էր տիրապետող դասակարգը, բավականաչափ լավ է ներկայացված վիմական արձանագրություններում և ձեռագրերի հիշատակարաններում: Այդ վկայությունների բանաձևաչափն բնույթը, սակայն, տվյալներ չի

¹ Մոնղոլական շրջանում վրաց թագավորները համարվում էին միայն անմիջականորեն իրենց հետ կապված հայ ավատատերերի գերակաները: Այդ խմբի մեջ մտնում էին վրաց արքունիքում պաշտոններ վարող տոհմերը (Ջաքարյաններ, Մահկանաբերդիներ, Օրբելյաններ) և այն ընտանիքները, որոնց տիրույթների նկատմամբ վերահսկողությունը մոնղոլները հանձնարարում էին վրաց արքաներին: Օրինակ, Արղուն խանը 1284 թ. գահ բարձրանալիս հատուկ բարհաճություն գրսեպոսի Դեմետրե II-ի նկատմամբ, և ետ նմա ղամենայն աշխարհս Հայոց՝ զտունն Աւագեան և զտունն Շահանշահեան և զԳագեցին և զորգին Սաղուն աթարէկին» (տե՛ս Ս տ ե փ ա ն ո ս Օրբելյան. Պատմութիւն տանն Սիսական. Մոսկվա, 1861, էջ 312):

² Ջաքարե ամիրսպասալարը, օրինակ, Բարեպաշտ և թագահաց թագուոյն թամարի... հաւատարիմ ծառայ է կողում իրեն Անիի արձանագրություններից մեկում (տե՛ս Դիվան հայ վիմագրության, I, կազմեց Չ. Օրբելի. Երևան, 1966, էջ 58), նույն փոխհարաբերությունները այլ բառերով հավաստելով նաև Հատիհի 1201 թ. արձանագրությունում. «Տեան իմոյ բարեպաշտ թամար թագուհոյ» (տե՛ս Վիմական տարեգիր. Պետերբուրգ, 1913, էջ 43):

³ Ավատատիրական արխտոկրատիայի այդ խավի մեջ մտնում էին Բուբայանները, Դոփյանները, Համաղասպյան—Մամիկոնյանները, Հոնենք, Շոթոփոկյանները, Պոռչյանները, Վաչուտյանները, Օրբելյանները. տե՛ս Գ. Հովսեփյան. Խաղբակյանք կամ Պոռչյանք հայոց պատմության մեջ. Անթիլիաս, 1969, էջ 7—10:

⁴ Դատելով ուղղակի վկայություններից, գլխավորապես մանր ու մասամբ նաև միջին հզորության ավատատերերի այս խավը, սովորաբար, իր կարգավիճակը պահպանում էր մեկ սերնդի կյանքի ընթացքում: Այդպիսիք են Բուբա իշխանի ստորակալ Հայրաձայնը (տե՛ս Գ. Հովսեփյան. նշվ. աշխ., էջ 314), Տիգրան Հոնենցի «ծառայ Նղբայրիկը (տե՛ս Դիվան հայ վիմագրության, I, էջ 7), Շոթոփոկյաններին ենթակա Եպատրոն Բունաորոսը (տե՛ս Գ. Ալիջան. Միթակ. Վենետիկ, 1881, էջ 128—129; Հայերեն ձեռագրերի հիշատակարաններ, ԺԳ դար, կազմեց Ա. Մաթևոսյան. Երևան, 1984, էջ 193—194): Երկու սերունդով են ներկայացված Համաղասպյան—Մամիկոնյանների ստորակալ Սեվհիյանները (տե՛ս Գ. Սարգսյան. Դսեղի «Բարձրաբաջ» վանքը և նրա վիմագրությունը.— «Էջմիածին», ԺԱ—ԺԲ, էջ 46; Դիվան հայ վիմագրության, III, կազմեց Ս. Բարխուդարյան. Երևան, 1967, էջ 171): Միակ բացառությունը, թերևս, կազմում են Օրբելյանների սպարապետներ Շահունենցիները, որոնք հիշատակվում են ջուրջ մեկդարյա ժամանակաշրջանում (տե՛ս Գ. Գրիգորյան—Սյունիքը Օրբելյանների օրոք. Երևան, 1981, էջ 58—62):

տրամադրում այդ ակնհայտորեն խիստ ունևոր նվիրատուների, պատվիրատուների սոցիալ-քաղաքական կարգավիճակը պարզաբանելու համար: Սիս-ժամանակ պետք է նկատի ունենալ, որ տիրապետող դասակարգի ստորին շերտերի կազմը առավել անհաստատունն էր, այն անընդհատ փոփոխվում էր «նոր մարդկանց» հայտնվելու և որոշ ընտանիքների ասպարեզից հեռանալու հետևանքով:

Նկատի ունենալով սոցիալական կառուցվածքների ավանդականությունը, սոցիալական համակարգերի մեջ մտնող տարրերը հետազոտելիս կարելի է օգտագործել նաև հաջողորմ նախորդ պատմաշրջանների համաբնույթնյութերը, կատարել պատմահամեմատական զուգադրումներ նաև այլ տարածաշրջանների համանման երևույթների հետ: Այսպես, հայտնի է, որ գերակա-ստորակայական կապերի հաստատումը սրբազորածող արարողությունները խորհրդանշական խմաստավորում են ունեցել և հնագույն ժամանակաշրջանների վերապրուկներ են միջնադարյան արևմտաեվրոպական հասարակություններում: Ժամանակակից հետազոտողները նույնիսկ համեմատության եզրեր են տեսնում այդ միջնադարյան ծեսերի և ավանդապահ հասարակություններում այսօր էլ գոյություն ունեցող համանման սովորությունների միջև: Այս կապակցությամբ ուշաժամ է մեր ժողովրդական վեպում պատկերվող որդեգրման սովորույթի կապը հոր և որդու փոխհարաբերությունների հաստատում հավաստող միջնադարյան արարողությունների հետ: Հայ պատմիչները առանձին ակնարկներով են անդրադարձել այդ հատուկ ծիսակատարություններին. հնարավոր է, այդ ամենը նրանց համար առօրեական ու անհետաքրքիր է եղել: Այդ պատճառով էլ առանձնահատուկ ուշադրության է արժանի խաչակրաց պատմիչներից Ալբերտ Ախսենցու վկայությունը 1098 թ. Ուոհայում տեղի ունեցած այդպիսի արարողության վերաբերյալ: Ընդ որում, եվրոպացի պատմիչը շեշտում է այդ ծիսակատարության տեղական, հայկական բնույթը: Այդ ծեսի կատարումից հետո էր, որ խաչակրաց առաջին արշավանքի առաջնորդներից Բալդուին Ֆլանդրացին հռչակվեց Ուոհայի հայ իշխան Թորոսի որդեգիրը, այսինքն՝ ստորական ու որոշակի իշխանություն ձեռք բերեց քաղաքում⁵:

Մեկ այլ զուգահեռ. Արևմտյան Եվրոպայի շատ երկրներում իրեն գերակայի հովանավորությանը հանձնելիս ստորական ծնկի էր իջնում և ձեռքերը դնում սյուզերենի ձեռքերի մեջ: Նույնատիպ ծիսակատարության գոյության ասին է վկայում Ստեփանոս Օրբելյանը: Պատմելով Ելտկուզ աթաբեկի ողմից որդուն՝ Մուհամեդ Փահլավանին, Ելիկոմ Օրբելյանի խնամքին հանձնելու մասին, հայ պատմիչը գրում է. «Զձեռս նորա (Մուհամեդ Փահլավանի—Մ.) դնէ ի ձեռն Ելիկոմին և ապսպարէ նմա ասելով. դու դմա հայր եր և դա՛ քո որդի»⁶: Թվում է, գերակայի՝ ստորակային համբուրելու հանդեպ արարողությունն է պատկերում Հովհաննես Դրասխանակերտցին, պատմելով Յուսուֆի կողմից Դավիթ և Գուրգեն Գնունի եղբայրներին իր կողմը գրավելու մասին. «Բազում զգեստս և զարդս ոսկեճամուկս, և ծիրանիս և երևելի լակոնաչի և բհհեղս նոցա մատուցանէր, և կամարս և մանեակս սկեղնս և նժոյգս սրավարս՝ ճոխապաճոյճս ի զէն և ի զարդու. և ապա

⁵ Sht'a J. Le Goff. Le rituel symbolique de la vassallite.—In: Pour un autre Moyen Age. Paris, 1977, p. 341—420.

⁶ Sht'a M. A. Заборов. История крестовых походов в документах и материалах. М., 1977, с. 88: վաղ միջնադարյան հայ պատմիչների և «Մասնա ծոբրի» վկայությունների հիման վրա որդեգրության սովորության հինավուրց արմատների մասին ուշադրավ տարկումներ է կատարել Ռ. Պետրոսյանը, տե՛ս R. Bedrosian Gayeulwn in Ancient Armenia.—Armenia Feview. Summer 1984, vol. 37, № 2—146, p. 23—47.

⁷ Ստեփանոս Օրբելյան, էջ 288:

զձեռս իւր ի նոսա կարկանդակ և գիրկս զպարանոցօքն արկեալ և հուպ ընդ հուպ ի համբոյր մերձեցուցեալ զնոսա այնպէս շոքմոգէր»⁸։

Խոսելով XII—XIII դդ. տիրապետող դասակարգի մասին չպետք է աչքաթող անել մի կարևորագույն պարագա՝ հայ ավատատիրական տնեքի զարգացման օրինաչափությունները, քաղաքական վիճակը, ուղղմական ու տրնտեսական հզորությունը Հայաստանի տարբեր գավառներում միատեսակ շեն եղել։ Այսպես, Հարավային Հայաստանում՝ Սասունում, Տարոնում, Չորրորդ Հայքում իշխանական տնեքը կորցրել են քաղաքական իշխանությունը դեռևս XII դարում և այսպիսով խստորեն զանազանվում են Հյուսիս-արևելյան Հայաստանի ավատատիրական տոհմերից իրենց ճակատագրով։ Աշխարհիկ ու հոգևոր իշխանության զուգակցումը թնորոշ է այդ տարածաշրջանի տոհմերից միայն Աղթամարում ապաստանած Խեղենեկյանների համար։ Իրենց հերթին, Արաքսից հյուսիս ընկած շրջանները, ընդհանուր պատկեր ներկայացնելով հանդերձ, զգալիորեն զանազանվում են միմյանցից հայկական տոհմերի թվակազմի ստվարացման և բարձրացման ժամանակի առումով։ Լոռեն ու Կայենո գավառը ավելի շուտ են բռնում վերածննդի ուղին, քան Երրակը ու Արագածոտնը։ Արցախում XII—XIII դդ. սոցիալական զարգացման մեջ կտրուկ շրջադարձեր շեն դիտվում, ուրույն ուղիով է ընթանում Սյունիքը։ Համեմատությունները շարունակելու կարիք չկա, քանի որ պարզ է լուրկա հետազոտությունների անհրաժեշտությունը։ Առավել ևս, երբ առկա վիճամագրական նյութը, գերազանցապես նաև հիշատակարանները, ճշգրտորեն տեղորոշվում են և հնարավորություններ ընձեռում առանձին երկրամասերի սահմաններում մասնավոր հետազոտությունների համար։ Ամբողջ Հայաստանում տիրապետող դասակարգի դրություն, սոցիալական կազմի, զարգացման միտումների և այլ առանցքային հարցերին կարելի է անդրադառնալ միայն բոլոր երկրամասերին վերաբերող նյութը վերլուծելուց հետո։

Այսօր հազվադեպ են այն հետազոտությունները, որոնք լուսաբանում են հայ ավատատիրական ընտանիքների դավանական քաղաքականությունը, մշակութային բնութագրերը, փոխազդեցությունները այլ էթնիկական ու կրոնական խմբերի հետ։ Հրապարակի վրա եղած տեսակետներն էլ ոչ միշտ են ընդունելի այն պատճառով, որ ընդհանրացումները կատարվել են մասնակի փաստերի հիման վրա։ Իսկ փաստերը ցույց են տալիս, որ միևնույն ընտանիքի անդամներն անգամ կարող էին տրամագծորեն հակառակ վարքագիծ որդեգրել (Ջաքարե ամիրսապատալար-Իվանե աթաբեկ), ենթարկվել Հայաստանի զանազան շրջաններում բավականաչափ տարբեր իրավիճակների ազդեցությանը։ Ամենաուղաբարձր այն հանգամանքն է, որ հայ իշխանների համար երկարնակության անցնելը ամենևին էլ չէր նշանակում խզել կապերը հայրենի մշակույթի, մայրենի լեզվի և նույնիսկ միաբնակ հոգևոր կենտրոնների հետ։ Այսպես, երկարնակ Ջաքարյաններից շատերի համար նվիրական էր համարվում կապը տոհմական Սանահնի վանքի հետ, իսկ Մահկանաբերդցիները շարունակում էին հովանավորել իրենց ընտանեկան հանգստարան Հաղբատին։ Այսպիսով, տոհմական ավանդները վեր էին դասվում դավանական արժեքներից։ Հայ իշխանների «վրացիացման» կամ «մահմեդականացման» մասին վերացական հայացքները, որոնց հիմքը դավանափոխության փաստն է, կարող են համոզիչ դիտվել միայն էթնիկական դիմահեղումը փաստարկող իրողությունների վկայակոչման պարագայում։ Տեսական առումով ճիշտ այս հայեցակետին պետք է հավատարիմ մնալ նաև հակառակ գործընթացը լուսաբանելիս։ Խոսքը վերաբերում է այլ էթնիկական

⁸ Ղ ո վ հ ա ն ն ե ս Դ ր ա ս ր ա ն ա կ ե ր տ ց ի. Պատմություն Հայոց. Թիֆլիս. 1912, էջ 252: Կարելի է չկասկածել, որ պատմիչը հաղորդում է հատուկ արարողության և ոչ թե կենցաղային միջադեպի մասին։ Մինչ այդ հեղինակը պատմում է, թե ինչպես էր Սմբատ I-ին դավաճանել Սյունյաց իշխանը և այցելության գնացել Ափշինին։ Գերակա սհայրը ներել էր սորողուն։ Արթան իշխանին սգրկալի սիրով առ ինքն յանձանձէր ածել՝ իբրև զորդի սիրելի մեծապատիւ պերճութեամբ զնա շքեղացուցեալս (նույն տեղում, էջ 172)։

պատկանելության ավատատիրական ընտանիքների Հայաստանում ունեցած ճակատագրին, հայ իշխանական տների վրացուհի, մահմեդական հարսների դավանական ու լեզվական հետագա կացությունը: Ընդհանրապես, լեզվական, մշակութային, դավանական իրավիճակների պարզաբանումը առավել բարդ խնդիրներից է: Հարցերի այդ խմբի լուսաբանումը ենթադրում է տարբեր մասնագետների (պատմաբանների, հնագետների, արվեստաբանների) ջանքերի զուգակցում և ինտերդիսցիպլինար հետազոտական եղանակների մշակում:

Մեր համոզմամբ, XII—XIII դդ. հայ տիրապետող դասակարգի ուսումնասիրության բնագավառում հետագա առաջընթացը կապված է լինելու հարցաթերթիկային մեթոդիկայի կիրառման հետ: Հարցաթերթիկների հիման վրա է հետազոտվել XI—XII դդ. Բյուզանդական կայսրության տիրապետող դասակարգի սոցիալական կազմը⁹, այդ մեթոդիկայի հեռանկարայնությունը ընդգծում են արևմտաեվրոպական միջնադարը ուսումնասիրողները¹⁰: Այդ հետազոտական եղանակը ենթադրում է տիրապետող դասակարգը ներկայացնող առանց բացառության բոլոր տոհմերի և դրանց անխտիր բոլոր անդամների մասին ըստ հնարավորին ճշգրիտ տվյալների արձանագրում: Հավաքված նյութը այնուհետև ամփոփ ներկայացվում է ցանկերի ու աղյուսակների տեսքով և հնարավորություններ ստեղծվում քանակական վերլուծության փորձերի համար: Այդպիսի թեմատիկ, պորբլեմային աղյուսակներն ու ցանկերը անհնարին է կազմել առանց նախնական ծավալուն աշխատանքի: Հետազոտության այս սկզբնական փուլում է, որ ծաղում են հայկական նյութով պայմանավորված բազմաթիվ դժվարություններ: Ի դեպ, դրանք անխուսափելիորեն առաջանում են նաև այլ տարածաշրջանների հասարակությունները ուսումնասիրելիս և բխում են առաջադրված հարցերին հստակ պատասխան տալու խիստ սուղ հնարավորությունից:

Հարցերի հարցը ծառանում է ամենասկզբում. ի՞նչ բովանդակություն է ունեցել XII—XIII դդ. Հայաստանում «տիրապետող դասակարգ» հասկացությունը, ինչպիսի՞ սկզբունքներով է հնարավոր առաջնորդվել որևէ տոհմի սոցիալական կարգավիճակը որոշելիս, կոնկրետ ո՞ւմ ընդգրկել հարցաթերթիկներում: Բարբախտաբար, XII—XIII դդ. հայկական սկզբնաղբյուրները հիմք են ընձեռում տիրապետող դասակարգի միջնադարյան հայեցակերպի հարցերում կոզմոնորոշվելու համար: Կարելի է հավաստել, որ այդ հարյուրամյակների ընթացքում ժամանակակիցները «տիրապետող» (այժմյան դիտական ընկալմամբ) են համարել այն հասարակական խմբերին, որոնք առանձնացել են ծագումով, կառավարման համակարգում զրաված դիրքով, սոցիալ-քաղաքական բարձր կարգավիճակով, նյութական կացությամբ, յուրահատուկ էթիկայով: Այս բնորոշ հատկանիշները, ամբողջությամբ կամ թերի, տարբեր հերթականությամբ հանդես են գալիս անվերապահորեն տիրապետող դասակարգին պատկանող տոհմերի և նշանավոր անհատների ռեալիզացիայում: Տիրապետող դասակարգի գերիշխող հայեցակերպը պարզաբանելուց, ժամանակաշրջանի պատկերացումներում ավանդականի ու նորի հոխհարաբերությունները ճշտելուց հետո էլ, սակայն, «ստորջրյա խուժանք» չեն վերանում: Առանձնապես բարդ է այդ դասակարգի ստորին շերտերի մանր հողատերեր և զորահրամանատարներ, հարկահավաք պաշտոնյաներ, ինիստերիալներ) իրական կարգավիճակի որոշումը: Այդպիսի սոցիալական սմբերի պատկանելությունը տիրապետող դասակարգին առավել վստահուշյամբ է հնարավոր պարզել, եթե համապատասխան վկայությունները հանփայտում են պատմիչների աշխատություններում: Այս տեղեկությունների առավելությունն այն է, որ հեղինակները իրենց բնութագրումներում գերադասել

⁹ Sht. A. П. К а ж д а н. Социальный состав господствующего класса Византии — XI вв. М., 1974; Он же. Армяне в составе господствующего класса Византийской империи в XI—XII вв. Ереван, 1975.

¹⁰ Sht. Յու. Բեսսերտևի գրախոսությունը Ա. Կաժդանի վերոհիշյալ աշխատությունների մասին.— «Պատմա-բանասիրական հանդես», 1976, № 2, էջ 236—242:

են ավանդական տերմինները և առաջնորդվում են երկարատև ժամանակահատվածների իրականությունը: Այնուամենայնիվ, XII—XIII դդ. տիրապետող դասակարգի մասին ամենալիարժեք նյութը պարունակում են վիժմական արձանագրությունները: Արձանագրություններ թողնողների սոցիալական դիրքի հարցում կողմնորոշվելու համար օգտակար են նաև բանաձևային նախարանների քննությունը (իշխանական կամք արտահայտող նախարանները գրեթե միշտ հանդիսավոր են), վիժմագրման տեղը (եկեղեցական շինությունների ամենապատվավոր տեղը հատկացվում է կոտորակական արձանագրություններին), արձանագրված նվիրատուությունների չափը: Վիժագրերը գնահատելի են նաև այն առումով, որ անպայմանորեն կապ են արտացոլում արձանագրման վայրի և վանքին միաբանողի, նվիրատուի միջև: Սովորաբար, արձանագրման վայրը տոհմական հանգստարան է, նվիրատուն խնամիական կապեր ունի վանքի հովանավորի հետ, անձնական մտեռություն է պահպանել («սնուցած»—սնուցող») վանքի պատրոնի հետ: Հիշատակարանային վկայությունները լիակատար են արտացոլում ընտանիքների կազմը, ներտոհմային և միջտոհմային առնչությունները, սակայն նախատեսված են նեղ միջավայրի համար, աչառու են և չեն կարող համեմատվել իրավական փաստաթղթի արժեք ունեցող արձանագրությունների հետ:

Հայկական սկզբնաղբյուրների թվարկված երեք խմբերն էլ, անշուշտ, լիովին չեն արտացոլում XII—XIII դդ. տիրապետող դասակարգի ողջ կազմը: Միանգամայն հնարավոր է, որ որոշ ընտանիքներ դուրս մնան համապատասխան հարցաթերթիկներից հետազոտողի թշուրընկալման հետևանքով: Այսպիսով, նախապես արդեն հայտնի է, որ տիրապետող դասակարգը ավելի մեծ է եղել, քան այն ներկայանում է ըստ հարցաթերթիկների: Առկա նյութերի հիման վրա մեզ հաջողվել է կազմել շուրջ ութսուն տոհմերի վերաբերյալ տվյալներ պարունակող հարցաթերթիկներ: Ընդ որում, որպես տիրապետող դասակարգի լիարժեք անդամներ, հարցաթերթիկներում ընդգրկվել ենք այն ընտանիքները, որոնք հայտնի են առնվազն երկու սերնդի (հայր ու որդի) ներկայացուցիչներով: Առանձին հաշվարկման ենք ենթարկել, Ա. Կաթողանի արտահայտությունը, «մեկ սերնդի ավագանուն»¹¹, Այն ներկայացնում են կարճատև ժամանակահատվածի ընթացքում միայն տիրապետող դասակարգի մեջ ընդգրկված և զանազան պատճառներով վերնախավից դուրս մղված անձինք: Ընարավոր է, որ նրանց մի մասը նույնիսկ պատկանում է նշանավոր տոհմի, բարձր դիրք է զբաղվել նաև հետագայում, սակայն մենք հարկադրված ենք գնահատել առկա տվյալները: Չնայած իրենց կցկտուր լինելուն, արպիսի անձանց մասին տվյալները գերազանցապես թվագրված են: Այսպիսով, «մեկ սերնդի ավագանուն» մասին հարցաթերթիկային տվյալները ճշգրտորեն տեղորոշվում են ժամանակային սանդղակում և, զուգակցվելով տոհմերին նվիրված հարցաթերթիկների հետ, կարող են որոշակի եզրակացությունների համար հուսալի հիմք ծառայել: Մասնավորապես, հնարավոր է պատասխան տալ XII—XIII դդ. սոցիալական պատմության առանցքային խնդիրներից մեկին՝ տիրապետող դասակարգի սոցիալական շարժունակության (մոբիլության) հարցին:

Ներկայացված նախնական դիտարկումները հնարավոր կլինի լրացնել ու խորացնել կազմված հարցաթերթիկների հրապարակումից հետո: Այդ պարագայում հետազոտողները հնարավորություն կստանան ստուգելու հավաքված տվյալների հավաստիությունը և կարող են խնդրույն հավելումներ ու եզրահանգումներ կատարել:

¹¹ А. П. Ка ж д а н. Социальный состав господствующего класса Византии XI—XII вв., с. 20.

ГОСПОДСТВУЮЩИЙ КЛАСС В АРМЕНИИ В XII—XIII ВЕКАХ

(Предварительные наблюдения)

А. Г. МАРГАРЯН

Резюме

Изучение социального состава, политической организации, конфессиональной ориентации и культурного облика господствующего класса армянского феодального общества представляет большой научный интерес. Успешное освещение истории класса феодалов во многом зависит от периодизации. Предлагается разделить исследуемую эпоху на три периода: I (начало XII в.—первая половина 80-х годов столетия)—времена усиления мусульманских государственных образований и ограничения политических позиций армянских феодалов; II (1186—1235 годы)—период освобождения армянских областей, укрепления позиций военной элиты в составе господствующего класса; III (1236 год—рубеж XIII—XIV вв.)—тяжелая эпоха борьбы армянских феодалов за выживание, потери шансов на восстановление военной и экономической мощи. В статье освещены основные аспекты проблем: вассалитет в XII—XIII вв., различия в положении господствующего класса в отдельных частях страны, характер межконфессиональных и межэтнических контактов в среде социальных верхов.